

# 大智度論卷第三十三

卷三

龍樹菩薩造

姚秦二藏法師鳩摩羅什譯

釋初品中到彼岸等

經復次舍利弗菩薩摩訶薩欲到有爲無爲

法彼岸當學般若波羅密

論彼岸者於有爲無爲法盡到其邊云何是  
彼岸以大智慧悉知悉盡有爲法總相別相  
種種悉解無爲法中從須陀洹至佛悉皆了  
知有爲無爲法相義如先說

經菩薩摩訶薩欲知過去未來現在諸法如

諸法法相無生際者當學般若波羅密

論問曰上已說如今何以更說答曰上直言

諸法如今言三世皆如上略說此廣說上說

一此說三法相即是法性無生際即是實際

過去法如即是過去法相未來現在亦如是

復次過去法如即是未來現在法如現在法

如即是過去未來法如未來法如即是過去

現在法如所以者何如相非一非異故復次

如先說二種如一者世間如二者出世間如

用是世間如三世各各異用是出世間如三  
世爲一復次法相名諸法業諸法所作力因  
緣果報如火爲熱相水爲濕相如是諸法中  
分別因緣果報各各別相如是處非處力中  
說是名世間法相若是諸法相推求尋究入

無生法中更無過是者是名無生際問曰如  
法相可分別有三世無生際是未來法云何  
有過去現在如阿毗曇說生法者過去現在  
是無生法者未來及無爲法是云何欲今過  
去現在有無生答曰如先種種說破生法一

切法皆無生何但未來無生如一時義中已  
破三世三世一相所謂無相如是則無生相  
復次無生名爲涅槃以涅槃不生不滅故涅  
槃者末後究竟不復更生而一切法即是涅  
槃以是故佛說一切法皆是無生際

卷三

復次舍利弗菩薩摩訶薩欲在一切聲聞  
辟支佛前欲給侍諸佛欲爲諸佛內眷屬欲  
得大眷屬欲得菩薩眷屬欲淨報大施當學  
般若波羅蜜

論問曰若菩薩未得漏盡云何在漏盡聖人

前答曰菩薩初發意時已在一切衆生前何況積劫修行是菩薩功德智慧大故世世常大能利益聲聞辟支佛衆生知菩薩恩故推崇敬重乃至畜生中亦爲尊重如菩薩昔作鹿其色如金其角七寶五百鹿隨逐崇事若在人中好世作轉輪聖王惡世恒作大王護持佛法利益衆生若出家值有佛法則爲世作大度師興顯佛法若無佛法則爲外道大師行四無量羅漢辟支佛雖有無漏利益事少譬如一升酥雖精不如大海水酪菩薩雖

有漏智慧及其成熟利益無量復次羅漢辟支佛四事供養助道之具多由菩薩得如首楞嚴經說文殊師利七十二億作辟支佛化辟支佛人令其成道以是故在聲聞辟支佛前欲爲諸佛給使者如釋迦文佛未出家時車匿給使優陀耶戲笑瞿曇耶輸陀等諸嫁女爲內眷屬出家六年苦行時五人給侍奉三得道時彌喜羅陀須那剎多羅阿難密跡力士等是名內眷屬大眷屬者舍利弗目犍連摩訶迦葉須菩提迦旃延富樓那阿泥盧豆

等諸聖人及彌勒文殊師利毘陀婆羅諸阿  
跋致一生補處菩薩等是名大眷屬復次  
佛有二種身一者法性生身二者隨世間身  
世間身眷屬如先說法性生身者有無量無  
數阿僧祇一生補處菩薩侍從所以者何如  
不可思議解脫經說佛欲生時八萬四千一  
生補處菩薩在前導菩薩從後而生譬如陰  
雲籠月又如法華經說從地湧出菩薩等皆  
是內眷屬大眷屬菩薩眷屬者有佛純以菩  
薩爲眷屬有佛純以聲聞爲眷屬有佛菩薩

聲聞雜爲眷屬是故言但欲得菩薩爲眷屬  
者當學般若波羅密眷屬有上上中下下者  
純聲聞中者雜上者但菩薩淨報大施者有  
人言菩薩多集福德未除煩惱受人信施未  
能淨報佛言菩薩行般若波羅密諸法皆空  
不可得何況諸結使菩薩入法性中故不證  
真際是故能淨報施福復次菩薩功德廣大  
從發心已來欲代一一衆生受一切苦欲以  
一切功德與一切衆生然後當自求佛道但  
是事不可得故而自成佛度一切衆生又菩

薩志願不以阿僧祇爲拘如世間如及法性  
實際虛空等久住菩薩心住世間利益衆生  
故亦如是久住無有窮已是人不能淨報施  
福者誰能淨畢如父母雖有結使諸惡以一

世利益子故受其供養令得大福何況菩薩  
卷三  
無諸結使而住無邊世中利益衆生而不淨  
畢又復善薩但有悲心而無般若尚能利益  
何況行般若波羅蜜問曰若菩薩無結使云  
何世間受生答曰先已答菩薩得無生法忍  
得法性生身處處變化以度衆生莊嚴世界

是功德因緣故雖未得佛能淨報施福

經復次舍利弗菩薩摩訶薩欲不起憚心破  
戒心瞋恚心懈怠心亂心癡心當學般若波  
羅蜜

論是六種心惡故能障蔽六波羅蜜門如菩  
薩行布施時若有慳心起令施不清淨所謂  
不能以好物施若與好物不能多與若與外  
物則不能內施若能內施不能盡與皆由慳  
心故菩薩行般若波羅蜜知一切法無我無  
我所諸法皆空如夢如幻以身頭目骨髓布

施如施草木是菩薩雖未得道欲常不起是  
慳心當學般若波羅蜜諸餘人離欲得道故  
不生破戒心菩薩行般若波羅蜜故不見破  
戒事所以者何戒爲一切諸善功德住處譬  
如地爲一切萬物所依止處破戒尚不得餘  
道何況阿耨多羅三藐三菩提以是故不生  
破戒心復作是念菩薩法者安樂衆生若破  
戒者惱亂一切以是故菩薩不生破戒心何  
況破戒小乘及諸凡夫尚不應生瞋恚心何  
況菩薩發阿耨多羅三藐三菩提意身爲苦

器法自受惱譬如犯罪之人自致刑戮自作  
自受不應怨人但當自護其心不今起惡譬  
如人遭風雨寒熱亦無所瞋復作是念菩薩  
求佛以大悲爲本若懷瞋恚則喪志願瞋恚  
之人尚不得世間樂何況道樂瞋恚之人自  
不得樂何能以樂與人懈怠之人世間勝事  
尚不能成何況阿耨多羅三藐三菩提譬如  
鑽火數息無得火期散亂之心譬如風中燈  
燈雖有光明不能照物亂心中智慧亦復如  
是智慧是一切善法根本若欲成就是智先

當攝心然後可成譬如狂醉之人自利他利  
好醜之事都不覺知散亂之心亦如是世間  
好事尚不能善知何況出世間法愚癡人心  
一切成敗事皆不能及何況微妙深義譬如  
無目之人或墮溝坑或入非道無智之人亦  
復如是無智慧眼故受著邪法不受正見如  
是之人世間近事尚不能成何況阿彌多羅  
三藐三菩提薩行般若波羅蜜力故能障  
是六敵淨六波羅蜜以是故說若欲不起六  
敵當學般若波羅蜜

**經**復次舍利弗菩薩摩訶薩欲使一切衆生  
立於布施福處持戒福處修定福處勸道福  
處欲令衆生立於財福法福處當學般若波  
羅蜜

**論**問曰云何名爲福處答曰阿毗曇言福者

卷三  
善有漏身口意業復有人言不隱沒無記是  
所以者何善有漏業因緣果報故得是不隱  
沒無記福是果報亦名爲福如世間人說能  
成大事多所成辦是名福德人是福略說三  
種布施持戒修定何等是布施有人以衣服

卧具飲食華香瓔珞等與人是名布施問曰飲食等物便是布施爲更有布施答曰飲食等物非布施以飲食等物與時心中生法名捨與慳心相違是名布施福德是或有漏或無漏常是善心數法心相應隨心行共心生無色無形能作緣業相應隨業行業共生非先業果報得修行修慧證身證凡夫人得亦聖人得有人言是捨法相應思是名布施福德所以者何業能生果報故思即是業身口不名爲業從思生故得名業此布施有二種

一者淨二者不淨不淨者直施而已或畏失財故與或惡訶罵故與或無用故與或親愛故與或爲求勢故與以施故多致勢援或死急故與或求善譽故與或求與貴勝齊名故與或妬嫉故與或僥慢故與小人愚賤尚施我爲貴重大人云何不與或爲呪願福德故與或求吉除凶故與或求入伴黨故與或不一心恭敬輕賤受者而與如是種種因緣爲今世事故施與淨相違名爲不淨淨施者如經中說治心故施莊嚴意故施爲得第一奉三七

利故施生清淨心能分別爲助涅槃故施譬如新華未萎色好且香淨心布施亦復如是如說諸天不淨心布施者宮殿光明薄少若淨心布施者宮殿光明增廣此布施業雖過去乃至千萬世中不失譬喻如券要問曰此布施福云何增長答曰應時施故得福增長如經說饑餓時施得福增多或遠行來時若曠路險道中施若常施不斷或時常念施故施得增廣如六念中念捨說若大施故得福多若施好人若施佛若施者受者清淨故若決

定心施若自以力致財施若隨所有多少能盡施若交以物施若以園田使人等施如是布施唯有菩薩能以深心行之如韋羅摩菩薩十二年布施已嚴飾乳牛七寶鉢及妓女各有八萬四千及諸餘物飲食之屬不可稱數又如須帝欝擊菩薩下善勝白象施與怨家入在深山以所愛二子施十二醜婆羅門復以妻及眼施化婆羅門爾時地爲大動天爲雷震空中雨華又如薩婆達多王自縛其身施婆羅門如尸毗王爲一鵠故自持其身

以代鵠肉又如菩薩曾爲免身自炙其肉施與仙人如是等菩薩本生經中所說復有聲聞人布施如須彌陀比丘尼與二同學爲迦那伽牟尼佛作精舍於無數千萬世受轉輪聖王及天王福如施婆羅門持一瓶酪施僧世世受樂今得阿羅漢諸受樂中受樂第一如末利夫人供養須菩提故得今世果報爲波斯尼示王后如尸婆供養迦旃延故得今世報爲旃陀波周陀王后如憍陀居士供養舍利弗等五百阿羅漢故即日得報五百

賈客得其餘食人人以珠瓔與之卒得大富遂號爲卒鬱伽陀如是等布施得今世報當知布施論議說不可盡持戒福處者佛說五戒福者是問曰云何殺罪相答曰知是衆生故奪命得殺罪非不故安隱快心得殺罪非散亂狂心奪命得殺罪非作瘡死已得殺罪非未死身業是殺罪非口教身作是殺罪非但心生惡如是等罪止不作是初戒善相或有人言謂是不隱沒無記或欲界繫或不繫是非心非心數法非心相應非隨心行或共

心生或不共心生非業相應非隨業行或共業生或不共業生非先業果報得修行修身證慧證或思惟斷或不斷離欲界欲時得斷知凡夫聖人共有是名說不殺生戒相餘戒亦如是隨義分別諸戒讚歎論議如尸羅波羅蜜中說修定福處者雖經中說修慈是修定福亦說有漏禪定能生果報者總名修定福以欲界多瞋多亂故先說慈心爲修定福本四禪中亦過四禪依止四禪得者牢固得慈方便願與衆生樂後實見受樂是心相應法名爲慈法是法或色界繫或不繫是爲

真慈是方便慈欲界繫常隨心行隨心生無形無對能緣法非業業相應而隨業行共業非先業果報得修行修身證慧證或思惟斷或不斷離色界欲時得斷知有覺有觀亦無覺有觀亦無覺無觀或有喜或無喜或有息或無息亦凡夫人亦聖人或樂受相應或不苦不樂受相應先緣得解相後緣實義根本四禪中亦過四禪依止四禪得者牢固力慈應言親愛無怨無諍故名爲親愛能緣無量衆生故名爲無量能利益衆生能離欲

故名爲梵行慈心餘論議如西無量中說問曰修定福中佛何以但說慈心不說餘答曰四無量中慈心能生大福德悲心憂愁故捨福德喜心自念功德故福德不深捨心放捨故福亦少復次佛說慈心有五利不說餘何等五一者刀不傷二者毒不害三者火不燒四者水不沒五者於一切瞋怒惡害衆生中見皆歡喜悲心等事不爾以是故說修定福爲慈餘者隨從及諸能生果報有漏定勸導福處者若比丘不能坐禪不能誦經教化勸

道修立福德或有比丘能坐禪誦經見諸比丘衣食之少力能引致亦行勸導及諸菩薩憐愍衆生故以福德因緣勸化之又出家人若自求財於戒有失是故勸導以爲因緣財福者衣服飲食卧具醫藥金銀車馬田宅等問曰上言布施福處此言財福有何等異答曰布施者總攝一切施財施法施俗施道施見皆歡喜悲心等事不爾以是故說修定福初轉法輪無量衆生得道後舍利弗逐佛轉法輪餘諸聖人雖非轉法輪亦爲衆生說法

得道亦名法施復有徧吉菩薩觀世音得大勢文殊師利彌勒菩薩等以二種神通力果報神通修得神通住是中以福德方便力光明神足等種種因緣開度衆生亦名法施諸辟支佛飛騰虛空而說一偈引導衆生令植善根亦名法施又佛弟子未得聖道者坐禪誦經不壞諸法相教化弟子皆名法施如是等種種名爲法施相以是故說菩薩欲立衆生於六種施福者當學般若波羅密

經復次舍利弗菩薩摩訶薩欲得五眼當學

般若波羅密何等五肉眼天眼慧眼法眼佛眼

論肉眼見近不見遠見前不見後見外不見內見晝不見夜見上不見下以此礙故求天眼得是天眼遠近皆見前後內外晝夜上下悉皆無礙是天眼見和合因緣生假名之物不見實相所謂空無相無作無生無滅如前中後亦爾爲實相故求慧眼得慧眼不見衆生盡滅一異相捨離諸著不受一切法智慧自內滅是名慧眼但慧眼不能度衆生所以

者何無所分別故以是故生法眼法眼今是人行是法得是道知一切衆生各各方便門令得道證法眼不能偏知度衆生方便道以是故求佛眼佛眼無事不知覆障雖密無不見知於餘人極遠於佛至近於餘幽闇於佛顯明於餘爲疑於佛決定於餘微細於佛爲麤於餘甚深於佛甚淺是佛眼無事不聞無事不見無事不知無事爲難無所思惟一切

論天眼法所見不過三千大千世界今以般若波羅蜜力故見十方恒河沙等國中諸佛所以者何般若波羅蜜中無近無遠無所罣礙故問曰如般舟經說以般舟三昧力故雖未得天眼而能見十方現在諸佛此菩薩以天眼故見十方諸佛有何等異答曰此天眼不隱沒無記般舟三昧離欲人未離欲人俱得天眼但是離欲人得般舟三昧憶想分別

經菩薩摩訶薩欲以天眼見十方如恒河沙

常修常習故見天眼修神通得色界四大造  
色眼四邊得徧明相是爲差別天眼功易譬  
如日出見色不難三昧功難如夜然燈見色  
不易天耳亦如是知諸佛心者問曰如上地  
鈍根不能知下地利根心菩薩一佛心尚不  
應知何況恒河沙等十方諸佛心答曰以佛  
神力故令菩薩知如經說一切衆生無知佛  
心者若佛以神力令知乃至蠶蟲亦能知以  
是故知佛以神力故令菩薩知佛心復次般  
若波羅蜜無礙相麤細深淺愚聖都無差別

諸佛心如菩薩心如一如無異菩薩隨是如  
故能知諸佛心復次希有難事不應知而知  
以是故言欲得是者當學般若波羅蜜

經欲聞十方諸佛所說法聞已乃至阿耨多  
羅三藐三菩提不忘當學般若波羅蜜

論問曰一佛所說猶尚難持何況無量諸佛  
所說欲憶而不忘答曰菩薩以聞持陀羅尼  
力故能受堅憶念陀羅尼力故不忘復次此  
中說以般若波羅蜜力畢竟清淨無所著譬  
如大海含受衆流菩薩從十方諸佛所聞法

以般若波羅蜜器大故能受無量法持而不忘復次是般若波羅蜜不可譬喻如虛空如劫燒盡已大雨彌滿是雨除虛空更無處能受十方諸佛說法雨從佛口出除行般若波羅蜜菩薩更無能受者以是言欲聞十方諸

卷三

十三

佛說法當學般若波羅蜜

經復次舍利弗菩薩摩訶薩欲見過去未來諸佛世界及見現在十方諸佛世界當學般若波羅蜜

論問曰若見十方佛則已見世界今何以復

說欲見世界答曰菩薩未深入禪定若見十方世界山河草木心則散亂故但觀諸佛如念佛義中說行者但觀諸佛不觀土地山河樹木得禪定力已隨意廣觀復次清淨佛國難見故言欲見諸佛國當學般若波羅蜜又一佛有無量百千種世界如先說有嚴淨不嚴淨有雜有畢竟清淨世界難見故以般若波羅蜜力乃能得見譬如天子聽正殿則外人可見內殿深宮無能見者問曰十方現在世界可見過去未來諸佛世界云何得見

答曰菩薩有見過去未來三昧入是三昧已見過去未來事如夢中所見復次菩薩有不滅除三昧入是三昧已不見諸佛有滅者問曰此二法非眼云何能見答曰此是智慧假名爲眼如轉法輪中於四諦得眼智明覺復

次菩薩見十方現在佛世界定知過去未來諸佛世界亦爾所以者何一切諸佛功德同故是事如先說復次是般若波羅蜜中如現在過去未來等無異一如一法性故以是故不應難

經復次舍利弗菩薩摩訶薩欲聞十方諸佛所說十二部經修多羅祇夜受記經伽陀優陀那因緣經阿波陀那如是語經本生經廣經未曾有經論議經諸聲聞等聞與不聞盡欲誦受持當學般若波羅蜜

論先說盡欲聞十方諸佛所說法者當學般若波羅蜜所說法者即此十二部經諸經中直說者名修多羅所謂四阿含諸摩訶衍經及二百五十戒經出三藏外亦有諸經皆名修多羅諸經中偈名祇夜衆生九道中受記

所謂三乘道六趣道此人經爾所阿僧祇劫當作佛若記爾所歲當作佛記聲聞人今世後世得道記辟支佛人但後世得道記餘六道亦皆後世受報諸佛法欲與衆生受記先皆微笑無量種光從四牙中出所謂青黃赤白縹紫等從上二牙出者光照三惡道從其光明演無量法說一切作法無常一切法無我安隱涅槃衆生得遇斯光聞說法者身心安樂得生人中天上從是因緣皆得畢苦從下二牙出者上照人天乃至有頂禪若龍首

瘡癩狂病皆得除愈六欲天人及阿脩羅受五欲樂遇佛光明聞說法聲皆厭患欲樂身心安隱色界諸天受禪定樂時遇佛光明聞說法聲亦生厭患來詣佛所此諸光明復至十方徧照六道作佛事已還遠身七帀若記地獄光從足下入若記畜生光從膍入若記餓鬼光從脰入若記人道光從齋入若記天道光從胷入若記聲聞光從口入若記辟支佛光從眉間相入若記得佛光從頂入若欲受記先現此相然後阿難等諸弟子發問一

切偈名祇夜六句三句五句句多少不定亦  
名祇夜亦名伽陀優陀那者名有法佛必應  
說而無有問者佛略開問端如佛在舍婆提  
毗舍佛建堂上陰地經行自說優陀那所謂無  
我無我所是事善哉爾時一比丘合掌白佛  
言世尊云何無我無我所是事善哉佛告比  
丘凡夫人未得無漏道顛倒覆心故於無我  
無我所心大驚怖若佛及佛弟子聞好法者  
歡喜奉行無顛倒故不復更作如是等雜阿  
含中廣說又如般若波羅蜜品中諸天子讚

須菩提所說善哉善哉希有世尊難有世尊  
是名優陀那又如佛涅槃後諸弟子抄集要  
偈諸無常偈等作無常品乃至婆羅門偈等  
作婆羅門品亦名優陀那諸有集衆妙事皆  
名優陀那如是等名優陀那經相尼陀那者  
說諸佛法本起因緣佛何因緣說此事修多  
羅中有人問故爲說是事毗尼中有人犯是  
事故結是戒一切佛語緣起事皆名尼陀那  
阿波陀那者與世間相似柔軟淺語如中阿  
含中長阿波陀那經長阿含中大阿波陀那

毗尼中億耳阿波陀那二十億阿波陀那解  
二百五十戒經中欲阿波陀那一部菩薩阿  
波陀那出一部如是等無量阿波陀那如是  
語經者有二種一者結句言我先許說者今  
已說竟二者三藏摩訶衍外更有經名一目  
卷三  
十六

之初夜後夜專精不睡勤修精進故得道得  
道已佛還將至本生國一切諸佛法還本國  
時與大會諸天衆俱住迦羅婆仙人林中  
此林去迦羅婆城五十里是諸釋遊戲園  
此諸釋子比丘處舍婆提時初夜後夜專精  
不睡故以夜爲長從林中來入城乞食覺道  
里長遠爾時佛知其心有一師子來禮佛足  
在一面住佛以是三因緣故說偈  
不寐夜長疲倦道長愚生死長莫知正法  
佛告比丘汝未出家時其心放逸多睡眠故  
破戒故將至舍婆提令舍利弗目連等教化

不覺夜長今初夜後夜專精求道減省睡眠  
故覺夜爲長此迦毗羅婆林波本駕乘遊戲  
不覺爲遠今著衣持鉢步行疲極故覺道長  
卷三  
是師子鞞婆尸佛時作婆羅門師見佛說法  
來至佛所爾時大衆以聽法故無共語者即  
十七  
生惡念發惡罵言此諸禿輩與畜生何異不  
別好人不知言語以是惡口業故從鞞婆尸  
佛乃至今日九十一劫常墮畜生中此人爾  
時即應得道以愚癡故自作生死長久於  
佛所心清淨故當得解脫如是等經名爲出

因緣於何處出於三藏摩訶衍中出故名爲  
出何名因緣是三事之本名爲因緣本生經  
者昔者菩薩曾爲師子在林中住與一獮猴  
共爲親友獮猴以二子寄於師子時有鷲鷹  
飢行求食值師子睡故取猴子而去住於樹  
上師子覺已求猴子不得見鷲持在樹上而  
告鷲言我受獮猴寄託二子護之不謹令汝  
得去孤負言信請從汝索我爲獸中之王汝  
爲鳥中之主貴勢同等宜以相還鷲言汝不  
知時吾今飢乏何論同異師子知其正得自

以利爪齟其脇肉以貿猴子又過去世時人  
民多病黃白瘻熱善薩爾時身爲赤魚自以  
其肉施諸病人以救其疾又昔菩薩作一鳥  
身在林中住見有一人入於深水非人行處  
爲水神所冒水神冒法著不可解鳥知解法  
至香山中取一藥草著其腎上繩即爛壞人  
得脫去如是等無量本生多有所濟是名本  
生經廣經者名摩訶衍所謂般若波羅密經  
六波羅密經華手經法華經佛本起因緣經  
雲經法雲經大雲經如是等無量阿僧祇諸

經爲得阿耨多羅三藐三菩提故說韁佛略  
秦言未曾有經如佛現種種神力衆生怪未  
曾有所謂佛生時身放大光明照三千大千  
世界及幽闇之處復照十方無量諸佛三千  
大千世界是時於佛母前有清淨好池以浴  
卷三  
菩薩梵王執蓋帝釋洗身二龍吐水又生時  
不須扶持而行七步足跡之處皆有蓮華而  
發是言我是度一切衆生老病死者地大震  
動天雨衆華樹出音聲作天妓樂如是等無  
量希有事是名未曾有經論議經者答諸問

者釋其所以又復廣說諸義如佛說四諦何等是四所謂四聖諦何等是四所謂苦集滅道聖諦是名論議何等爲苦聖諦所謂生苦等八種苦何等是生苦所謂諸衆生各各生處是中受苦如是等問答廣解其義是名優波提舍如摩訶衍中佛說六波羅蜜何等六波羅蜜具足者有大方便力未具足者無方便力復次佛所說論議經及摩訶迦旃延所解修多羅乃至像法凡夫人如法說者亦名優

薩心未得無生忍法未與般若波羅蜜和合是名不具足乃至禪波羅蜜亦如是般若波羅蜜具足者有大方便力未具足者無方便力復次佛所說論議經及摩訶迦旃延所解修多羅乃至像法凡夫人如法說者亦名優波提舍聲聞所不聞者佛獨與菩薩說法無諸聲聞聽者又佛以神通力變身無數徧至十方一乘世界說法又復佛爲欲天色天說法無諸弟子故不得聞問曰諸六通阿羅漢若佛說時雖不在坐以天耳天眼可得見聞

若以宿命通并知過去事何以不聞答曰諸聲聞神通力所不及處是故不聞復次佛爲諸大菩薩說不可思議解脫經舍利弗目連在佛左右而不得聞以不種是聞大乘行法因緣故譬如坐禪人入一切處定中能使一切皆水皆火而餘人不見如不可思議解脫經中廣說盡欲受持者聞而奉行爲受久久不失爲持

大智度論卷第三十三

音釋

飈	蒲	撻	力竹	切	鑽	祖	官	萎	危	券	區
也	切	契	之夜	切	燔	肉	公	渾	切	蟲	普
脰	乳	炙	也	也	也	也	也	也	也	也	也
切	病	也	也	也	也	也	也	也	也	也	也
脣	脣	脣	脣	脣	脣	脣	脣	脣	脣	脣	脣
規	縣	齊	齊	齊	齊	齊	齊	齊	齊	齊	齊
軀	佛	佛	佛	佛	佛	佛	佛	佛	佛	佛	佛
略	略	略	略	略	略	略	略	略	略	略	略
頻	梵	語	語	語	語	語	語	語	語	語	語
脂	語	也	也	也	也	也	也	也	也	也	也
切	此	云	方	广	此	云	方	广	此	云	方
夜	廣	廣	廣	廣	廣	廣	廣	廣	廣	廣	廣
切	切	切	切	切	切	切	切	切	切	切	切